

ORDENANZA Nº 13 REGULADORA DO PREZO PÚBLICO POLA PRESTACIÓN DE AXUDA NO FOGAR POR LIBRE CONCORRENCIA E A PERSOAS VALORADAS COMO DEPENDENTES.

ARTIGO 1.- NATUREZA E FUNDAMENTO.

De conformidade có previsto no artigo 127 en relación có artigo 41, e segundo as normas contidas no Capítulo VI do Título I do Real Decreto Lexislativo 2/2004, de 5 de marzo, polo que se aproba o Texto Refundido da Lei Reguladora de Facendas Locais, este Concello establece o prezo público polo Servizo de Axuda no fogar, tanto para persoas valoradas como persoas que acceden ao servizo por libre concorrencia.

ARTIGO 2.- CONCEPTO

O prezo público regulado neste acordo constitúe unha prestación patrimonial de carácter público que se satisfará polos/as usuarios/as que voluntariamente soliciten a prestación do Servizo de Axuda no Fogar.

ARTIGO 3.- OBRIGADOS/AS O PAGAMENTO:

Están obrigadas ao pago todas aquelas persoas que:

- a) Esten recoñecidas como dependentes ao abeiro da Lei 39/2006 de 14 de decembro, de Promoción da Autonomía Persoal e Atención ás Persoas en Situación de Dependencia, e teñan resolución do Plan Individualizado de Atención (PIA) no que se recoñeza o citado servizo (calquera que sexa a modalidade do mesmo) sexan dadas de alta no servizo municipal de acordo có estipulado no Regulamento específico de funcionamento.
- b) As persoas que accedan ao servizo de axuda no fogar por libre concorrencia e que sexan dadas de alta no servizo municipal dacordo co estipulado no Regulamento específico de funcionamento.

Se o/a beneficiario/a carecera da capacidade para obrar, dita obriga recaerá sobre quen ostente a súa representación legal ou, no seu caso, sobre quen exerza de feito o seu coidado.

ARTIGO 4.- CONTÍA DO PREZO PÚBLICO:

Contía.

A contía do prezo público regulado nesta Ordenanza será a fixada nas tarifas contidas nos apartados seguintes referidas a unha hora de prestación do servizo, e que se determinarán do seguinte xeito:

Aos efectos previstos para a aplicación das tarifas do presente artigo, se establece o prezo da hora por prestación do servizo en 10,04 €.

Reducións.

A participación das persoas beneficiarias na financiación do servizo có establecido na Lei 39/2006 de 14 de decembro, de Promoción da Autonomía Persoal e Atención ás Persoas en Situación de dependencia e a Orde que regula o Servizo de Axuda no Fogar na Comunidade Autónoma de Galicia, se establecerá en función do coste do servizo que se lles preste e da súa capacidade económica persoal, seguindo a seguinte táboa:

| CAPACIDADE ECONÓMICA | PORCENTAXE A PAGAR |
|--|--------------------|
| Igual ou inferior ao IPREM | Exento |
| Superior ao 100% do IPREM e inferior ou igual ao 200% do IPREM | 10% |
| Superior ao 200% do IPREM e inferior ou igual ao 300% do IPREM | 20% |
| Superior ao 300% do IPREM e inferior ou igual ao 400% do IPREM | 40% |
| Superior ao 400% do IPREM e inferior ou igual ao 500% do IPREM | 60% |
| Superior ao 500% do IPREM | 65% |

Establécense estas reducións ao abeiro do establecido no artigo 44 do T.R.L.R.F.L. por existir razóns sociais e de interese público que aconsellan fixar os prezos por debaixo do custo do servizo, asumíndose a diferenza polo Concello.

Capacidade económica da persoa usuaria.

Considérase persoa usuaria aquela para a que se solicite o servizo. No caso de intervención con familias, entenderase como persoa usuaria un dos membros adultos da unidade de convivencia responsables dos menores que formen parte dela, de conformidade có indicado no artigo 3.1 do presente acordo.

A capacidade económica da persoa usuaria determinarase en relación aos seguintes puntos:

- A capacidade económica das persoas usuarias do servizo de axuda no fogar calcularase en atención a súa renda e, se é o caso, ao seu patrimonio. Teranse en conta, ademais, as persoas convivintes economicamente dependentes, dacordo co establecido nos parágrafos seguintes.
- A renda valorarase atendendo aos ingresos netos que se perciban, que comprenderán os rendementos de traballo, incluídas pensións e prestacións de previsión social, calquera que sexa o seu réxime; os rendementos de capital mobiliario e inmobiliario: os rendementos das actividades económicas e as ganancias e perdas patrimoniais.
- Para o computo do patrimonio estarase ao disposto na normativa fiscal en vigor sobre o patrimonio, entendéndose por tal o conxunto de bens e dereitos de contido económico de que sexa titular a persoa usuaria do servizo, con dedución das cargas e gravames que diminúan o seu valor, así como das débedas e obrigas persoais das que deba responder. Considéranse exentos do cómputo a vivenda habitual na que se preste o servizo e os bens e dereitos cualificados como exentos na normativa aplicable sobre o imposto do patrimonio. Nos supostos de cotitularidade, só se terá en consideración a porcentaxe correspondente á propiedade do/a beneficiario/a.
- No caso de que a persoa usuaria tivese cónxuxe ou parella de feito as rendas de ámbolos dous terán a consideración de rendas computables, entendéndose neste caso por renda persoal a metade da suma dos ingresos de ámbolos dous membros da parella.
- A capacidade económica por razón de renda determinarase dividindo a renda ou rendas computables, dacordo co apartado anterior, entre a suma dos seguintes convivintes: o perceptor ou perceptores de rendas computadas e, se é o caso, o cónxuxe e os ascendentes

ou fillos/as menores de 25 anos, ou maiores desta idade en situación de discapacidade, que dependesen economicamente dos citados perceptores.

- A capacidade económica resultante será a correspondente á renda da persoa usuaria, calculada dacordo cós apartados anteriores, modificada á alza, se fose o caso, pola suma dun 5% do valor do patrimonio neto que supere o mínimo exento para a realización da declaración do imposto sobre o patrimonio en vigor a partir dos 65 anos de idade, dun 3% dos 35 aos 65 anos e dun 1% os menores de 35 anos.
- Para o cómputo da renda ou do patrimonio teranse en conta os datos correspondentes a última declaración fiscal dispoñible ou pensión coñecida. As contías referidas á capacidade económica das persoas usuarias estableceranse en función do Indicador Público de Rendas de Efectos Múltiples (IPREM) vixente. Enténdese por IPREM o sinalado con carácter anual polos organismos estatais competentes.

ARTIGO 5. CONDICIÓN DE PAGAMENTO

- 1.- A obriga de pagamento nace no momento en que o/a beneficiario/a reciba a prestación do servizo.
- 2.- O pagamento da cota realizarase mensualmente no mes inmediato seguinte, a través de domiciliación bancaria que autorizará o/a beneficiario/a por escrito.
- 3.- Se a algunha persoa beneficiaria non se lle prestase o servizo por causas non imputables á mesma, léase por inconvintes derivados de organización interna do propio servizo, terá dereito a un desconto proporcional ao tempo que estivo sen atención á hora de abonar a cota mensual.
- 4.- En caso de suspensión temporal do servizo descontarase das cotas a parte proporcional que lle corresponda mensualmente.
- 5.- As débedas polos prezos públicos poderán esixirse polo procedemento administrativo de apremio.

ARTIGO 6. NORMAS DE XESTIÓN

- 6.1- A presentación das solicitudes e documentación a presentar regúlase segundo o disposto Lei 39/2006 de 14 de decembro, de Promoción da Autonomía Persoal e Atención ás Persoas en Situación de Dependencia, da normativa vixente de carácter autonómico e do Regulamento do Servizo de Axuda no Fogar do Concello de Bueu.
- 6.2- As liquidacións practícaranse mensualmente nos primeiros quince días de cada mes mediante a aprobación de padróns ou matrículas deste prezo público, de conformidade có informe facilitado polo servizo en relación ao mes inmediato anterior.
- 6.3- O impago excepcional dunha mensuralidade suporá, en caso de xustificación motivada ao Departamento de Servizos Sociais polo/a usuario/a do servizo, a acumulación á mensuralidade a pagar no mes seguinte. Se a mensuralidade acumulada fose obxecto de impago novamente procederase á extinción do servizo.
O impago excepcional dunha mensuralidade sen xustificar por un tempo superior a 30 días suporá a extinción do servizo.
- 6.4- Aprobada a alta no servizo, esta manterase mentres o grao e nivel de dependencia da persoa valorada non varíe e non haxa comunicación expresa dos órganos de valoración autonómica dun cambio no seu Programa Individual de Atención, ou, nos casos de alta por libre concorrencia, non existan cambios que así o indiquen.
- 6.5- A forma de prestación do servizo, a autorización ou cese e a prórroga do mesmo regularase dacordo có Regulamento do Servizo de Axuda no Fogar do Concello de Bueu.
- 6.6- Anualmente, solicitarase dos/as beneficiarios/as do servizo a documentación necesaria na que se reflicte a súa situación económica actual co gallo de actualizar a capacidade económica do/a usuario/a e, no seu caso, a redución a aplicar no custe do servizo.

DISPOSICIÓN FINAL

O presente acordo entrará en vigor unha vez publicado no Boletín Oficial da Provincia e transcurrido o prazo previsto no artigo 65.2 da Lei 7/1985, de 2 de Abril, continuando a súa vixencia ata que se acorde a súa modificación ou derogación expresa.

DISPOSICIÓN DEROGATORIA

Esta ordenaza deroga a anterior publicada no BOP do día 15 de xuño de 2005.